

籌辦夷務始末

第一函
正十九册

籌辦夷務始末卷之三十九

咸豐九年己未六月己亥

諭軍機大臣等。此次夷酋噶魯斯等。以互換和約來津。帶領兵船。欲進大沽海口。已諭令在攔江沙外停泊。靜候桂良等。到京商辦。復恐夷情躁急。未肯久待。又諭僧格林沁。恆福等。令由北塘進口。暫在天津安設館驛。仍候桂良等到後辦理。詎該夷不收照會。不遵理諭。屢將海口所設鐵炮等件。撤毀多件。五月二十五日。夷船闖入。先行開礮。官軍不得不同擊。夷船受傷多隻。猶以步隊搦戰。勢甚猖獗。我軍擊斃夷兵數百名。生擒二名。餘皆敗竄。計夷船入內河者共十三隻。惟一船逃出攔江沙外。據生

擒夷兵供稱。皆喫夷號稱提督之赫姓主見。是日赫姓因桅折壓傷其骸不能轉動。現在各船。仍泊攔江沙外。喫夷背約恃強。先行開釁。並非我中國失信。惟念古來駕馭外夷。終歸議撫。若專意用兵。終非了局。現仍令僧格林沁辦理防勦事務。另派恆福督同文煜。辦理撫局。喫夷背約稱兵。固難與之理論。其咪哺雖與同來。未必幫同犯順。仍可善為撫綏。令由北塘至津暫住。待桂良等到後再議。該二國情形如何。尚未據恆福等覆奏。喫夷挫折之後。其兵船在天津海外者無多。計必或赴上海。或召廣東兵船。重來報復。著何桂清密派妥員。赴滬查探。有何動靜。暗中防範。其天津被創之事。不可漏洩。儻該夷果有火輪船至。

上海欲糾眾北犯。可令該處華商與夷商等聲言。若復用兵。則上年所議各條。前功盡棄。豈不可惜。囑各商從中勸阻。或挽味。咄二夷之在滬者。為之勸解。令喫夷弭兵消事。仍在天津等桂良等辦理。庶各國可以同沾利益。亦保全撫局之一道也。惟此意須出自商人。不可官為宣露。更不可因此事先給照會。何桂清有辦理夷務之責。既有變局。不可不早令知悉。

庚子。

欽差大臣科爾沁親王僧格林沁。直隸總督恆福奏。自二十五日。與該夷晝夜鏖戰。幸獲全勝。夷船受傷者。隨駛出鷓心灘外。停泊修整。其擊沈之船四隻。均有夷兵看守。我兵覓水。

近船該夷仍槍礮齊施堅據不移二十七日夜瞥見該夷
小船板船多隻攢聚沈船旁徹夜不息二十八日卯刻難
心灘外火輪船煙燄騰起但見沈入水底之船一隻桅杆
矗立從水面行駛自係該夷潛以絲繩繫前船由水底曳
動雙輪如行平地頃刻已駛出雞心灘外未刻我軍復覓
水往燒其船一隻洋礮多尊陸續運入營盤三日以來夷
人惟蹲伏不動與我軍相持未敢內犯訊據所獲夷目二
名供稱噶魯斯及各國公使乘坐大火輪船停泊欄江沙
外因水淺未敢駛入二十五日接仗復有啡囉晒旗幟咪
喇堅夷兵是起覺稱兵雖出自暎夷而啡咪兩國幫同滋

事亦所不免。察看情形。此次該夷帶領兵船駛入內河。名為換約而來。實係意在占踞天津。藉端要挾。既經官兵盡力懲創。即時派員往諭。勢必不能相安。已飭天津道照會該夷。剴切曉諭。即交所獲米夷帶歸投遞。俾知悔悟。以示羈縻。如稍有可乘之機。自當設法轉圜。至北塘營兵礮位。甫經移至營城。若復那回設防。不獨轉移繁重。徒費人力。且查北塘礮臺後路。即係村落。民房鱗次。無險可扼。轉非慎重防維之意。等語。已移咨西凌阿多設哨探。晝夜巡邏。夷船駛入北塘。不妨聽其停泊。一經上岸。即督馬隊各兵前往堵截。以防襲我後路。該夷既失船礮之險。我兵又可

施馳騁之力。北塘設防更有把握。將來夷酋入京。仍由北塘行走。亦可留為將來議撫之地。此次與夷人接仗。部署半年之久。各營軍士無不奮勇出力。得以稍伸

天討。大沽防務。經此次獲勝後。軍心愈壯。人思敵愾。自可日期穩固。足以上慰

宸廑。此摺係派宗室國瑞齋奏入京。該員曾值

內廷。此次營務極為諸悉。可以詳悉面陳。至

諭旨飭令保奏。是日在事出力將弁兵勇之處。益見我

皇上甄敘勤勞。雖微必錄。等語。遵即確切查明。二十五日接仗出

力各員弁。謹繕具清單。陳請

聖裁。

僧格林沁等又奏。郡王銜扎賚特。貝勒拉木棍布扎爾。督帶馬隊官兵。屯紮雙港。夷船到來。該貝勒立即督隊馳至海口。派兵在草頭沽一帶梭巡放卡。以備不虞。迨二十五日。夷礮如雨之際。該貝勒親督馬隊馳騁。扼防海岸。是日夷人上岸。很撲南營。保全營壘。尤為出力。實屬異常忠勇。惟業經榮膺顯爵。應如何鼓勵之處。出自

皇上天恩。

諭軍機大臣等。本日國瑞到京。即經召見。詢以軍營一切光景。並閱僧格林沁。恆福奏。數日與該夷相持情形。並遵保出力人員。

一摺。所奏雖獲勝仗。該大臣仍設法辦撫。甚合機宜。朕心深慰。夷人自被擊後。蹲伏攔江沙外。與我軍相持。未敢內犯。詢據夷目供稱。噶魯斯及各國公使。乘坐大火輪船。俱停大沽口外。僧格林沁等。已飭天津道照會該夷。剴切曉諭。即交所獲咪夷帶歸投遞。以為轉圜。並移咨西凌阿。夷船駛入北塘。不妨聽其停泊。一經上岸。即督馬隊堵截。該大臣所籌。與前降諭旨。用意正相符合。著即相機妥辦。以期及早藏事。僧格林沁督辦海防。籌畫精詳。不辭勞瘁。著先行賞給御用煙壺一對。時辰表一對。即由國瑞齋交僧格林沁祇領。所有保舉加銜升用。賞戴翎枝。及先換頂戴各員。均依議行。至應賞勇號。並拉木棍布扎布加恩。

之處。統俟定局後再降諭旨。其未經宣布情節。俟國瑞到津後。再為傳諭可也。所獲冰夷之人。已令代投照會。看其如何答覆。有無轉圜之意。僕竟無回信。或三夷齊心。梁驚再應如何辦理之法。著悉心籌畫為要。

又

諭廣東夷務情形。日久未據奏報。甚深廑念。吳首嗜嚙嘶等。率領兵船至滬。未與桂良等相見。但行照會。聲稱赴津互換和約。及到大沽海口。諭令攏泊攔江沙外。靜候桂良等。自京商辦。或先由北塘暫到天津。安插驛館。俱不遵依。聲言欲撤我海口防具。五月二十五日。駛入火輪船。並舢板船多隻。逼近砲臺。竟敢先

行開礮。並以步隊上岸搗戰。經僧格林沁等督兵回擊。傷斃夷兵數百名。擊壞夷船十二隻。生擒夷兵二名。其暎國提督赫姓被礮傷桅壓斃。不能動。實足以寒夷膽。而伸國威。連日該夷在攔江沙外。修整壞船。未敢內犯。僧格林沁與之相持。軍心益壯。惟念駕馭外夷之道。斷不能始終用武。儻該夷挫折之後。果有悔心。或挽味啡二夷。出面說合。或待桂良等到日換約。尚可宥其狂悖。息事罷兵。所恐夷情難測。或調廣東夷兵。前來報復。或被創於津。修怨於粵。均屬不可不防。黃宗漢奉到來京諭旨。是否業已啟程。或尚在粵。勞崇光調任廣東。兼署督篆。是否已抵新任。均未奏到。天津接仗情形。廣東想未深悉。特以諭知黃宗

漢勞崇光密加防範。即如羅惇衍等。紳董中夙符鄉望者。亦應整頓鄉團。以備不虞。該督等祇宜信函往來。斷不准形諸公牘。尤不可假奉旨為由。致於撫局有礙。宣露防禦情形。使夷人知覺。儻該夷在粵照常無事。即不可先行挑釁。勞崇光到粵東。駐紮何郡。王慶雲未到以前。務須兼顧兩省。並與省中常通消息。留心夷務為要。

辛丑。

欽差大臣科爾沁親王僧格林沁奏。現在前被打傷之船。仍在攔江沙停泊。粵與恆福文煜因連日並無動靜。本擬於二十
九日。將前獲咪喇堅夷人。先行放回。以聽該夷消息。因是

日早間。瞭見夷船一隻。向北行駛。至巳刻。已抵北塘海口。旋據西凌阿。所帶馬隊。哨探得是日北塘西北。煙頭沽地方。有舢板船一隻。乘坐夷人八名。內三人登岸。欲行進莊。見有官兵。即退入船。官兵拾獲咪夷漢字。照會總督慶。公文一件。名片五紙。飛遞到營。岑與恆福。會同商酌。飭由天津道。辦給覆文。並委員仍備辦米麪。豬羊食物等件。由北塘。送赴攔江沙外。咪夷坐船。以示優待。該夷是否就撫。俟委員旋回。再行恭摺奏報。其咪夷一名。現擬暫緩放回。並前獲之咪夷一名。業受重傷。擬一并妥為看守。仍飭黃惠廉。與其盤桓。誘行撫馭之策。此次夷船來津。兵船攜帶大

敵甚多。肆意披猖。斷非實心和好。未必無欲圖占踞天津。另作要挾之計。二十五日。甫經接仗。此時若即與言和。該夷正在憤怒。必不肯受我羈縻。即使勉強就撫。亦必不能堅久。現在味夷船隻。既在北塘。是彼來就我。辦理或可稍易。竊伏思夷情叵測。此時恆福。文煜。遽然前往北塘。設有疏虞。有關。

國體似宜等候委員回營。詳度該夷情形。再定會議地方。且既經決裂之後。自應倍加慎重。儻一經俯就。該夷必復倨傲。再四籌計。撫馭之局。愈緩愈穩。是以竊面飭恆福等。暫緩前往。聽候委員消息。仍嚴督將士。妥為防守。以備該夷。

另生詭謀。該夷若由廣東上海調兵來津。火輪船行走迅速。為期不遠。現在一面趕辦撫馭。一面修整營壘。等現將安設雙港礮位。調運來營。又京局津局解來礮位。暨奪獲夷礮。均勻安設。似足防守。恆福遵。

諭續調督標官兵五百名。屯紮新河。為大沽北岸策應。其歸化綏遠二處官兵到津。擬即派紮雙港。俟八旗武成永固礮位解到。亦即安設該處。以為大沽後隊。至二十五日。直隸提臣史榮椿在南岸中礮臺。大沽協副將龍汝元在北岸前礮臺上。督兵轟擊。該提臣等皆身先士卒。親燃大礮。夷船礮子打入礮臺。登時陣亡。再喚首噶魯嘶之大船十隻。仍

在攔江沙外一帶停泊。合併奏

聞。並將夷人照會暨飭天津道辦給覆文各一件。抄錄恭呈

御覽。

硃批。辦理均屬妥協。

咪喇堅照會。

為照會事。照得本大臣恭膺太伯理璽天德簡命。祇領親

筆國書。恭進中華

大皇帝陛下。復躬聆訓誨。諭使將真誠友好之誼。上達

貴國

朝廷。當行抵上海地面。承

欽差全權大臣

照知請到

京師互換在天津所立和約等由。按該約第五款。內載美國使臣由天津海口往

京。沿途車馬人夫公館辦差等事。皆由該處各地方官豫備。照理等因。今本大臣駕坐寶哈旦大火輪戰艦。業已寄泊口外。敢請貴大臣遵約。飭令備辦沿途諸事。致本大臣得以與隨帶人員迅速就道前往。

都城請即照覆是望。為此照會。須至照會者。

給味喇噠照會。

為照會事。六月初一日。由北塘遞到貴國照會總督部堂。